

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Kalaallit Nunaat namminerisamik naalagaaffinngornissaa Naalakkersuisut politikkikkut anguniagaraat? Uani aap imaluunniit naamimik akineqarnissaa piumasarineqaannarpoq.
2. § 37 apeqqut 47/2025-ip akissutaani Naalakkersuisut § 21-Isumalioqatigiissitap, Namminersornermullu inatsimmi § 21 aallartinnissaanut sumilluunniit iliuuseqarsimannginnerannik nalunaaruteqarput, taamaammat ukua apeqqutigineqarput:
 - a. Suliap sumilluunniit aallartissimannginneranut Naalakkersuisut qanoq tunngavilersuuteqarpat?
 - b. §21-Isumalioqatigiissitap ilaasortassai qaqugu tamakkerlugit inuttalernerqassappat allattoqarfeqarfillu pilersinneqassava, isumaliutissiisummi UPA2024/75 peqqussutaasut naapertorlugit?
 - c. Ilaasortat sorliit kikkullu suleqatigiissitami inissinneqarnissaannut Naalakkersuisut pilersaaruteqarpat?
 - d. Qaqugu Naalakkersuisut §21-Isumalioqatigiissitap nassuiaataa naammassisaq tunniunneqarumaarpa? Uani ullorpiaa taaqquneqarpoq.
3. Namminersornermut inatsimmi § 21 aallartissinnaanissaanut Naalakkersuisut qaqugu politikkikkut aalajangiiffiginiarpaat? Uani minnerpaamik ukioq suna akeqquneqarpoq.
4. Namminersornermut inatsimmi § 21 aallartinneqarnera isumaqatigiinniutaasinnaasoq pituttugaanngitsumik atassuteqarsinnaanissaq – tunngaviusumik inatsisissami taavalu UPA2024/75-imi ataatsimiititaliap isumaliutissiisutaani eqqaaneqarnerattuut – Naalakkersuisunit misissoqqissaarnikuua imaluunniit periarfissatut eqqartorneqarnikuua?

(Inatsisartunut ilaasortaq Kuno Fencker, Naleraq)

Tunngavilersuutit:

Inatsisinut Ataatsimiititaliap UPA/2024/75, imm. 75, isumaliutissiissutaani Namminersornermut inatsimmi § 21 imm. 1 aallartinnissanut Naalakkersuisut piareersaaqquneqarput, taavalu Kalaallit Nunaanni tunngaviusumik inatsisaasinnaasussamik aaqqiissuseqarnissap periusissaata ingerlariaasissaa inatsisitigut misissueqqissaarnissaq aallarteqquneqarluni.

Naalakkersuisut § 37 apeqqut nr. 47/2025-imut akissuteqarnerminni aallartinnissanut aalajangiisoqarsimannginnera ilisimatitsissutigaa, nalilersuinissallu utaqqimaarneqarlutik. Tamanna patsisigalugu killiffissiornissaq ingerlariaqqissutissallu sorlerpiaat atorneqarnissaat paasissallugit pingaaruteqarsorinarmat, ilaatigut *pituttugaanngitsumik atassuteqarsinnaanissaq* isumaqatigiinninniutaasinnaasutut nalilersuutaasinnaaneri paaserusunarmata apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.